



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Ex cleme[n]tia Dei, bonitas illius agnoscitur, nostra excitatur.

urn:nbn:de:hbz:466:1-45653

Hac omnibus creaturis se communicat, sed intelligentia preeditis, modo insuper peculiari; nempe sub ultimi finis ratione, ad quem ut nos dirigit perducaturque, donis cumulat, & ijs, quibus nos, tanquam causa efficiens naturalis, conseruans, prouidens regit; & per quae efficimus diuina confortes naturae, ut dixit, quem S. Dionysius *Theologorum decus supremum & antiquissimum columen nomi-* S. Dionysius
nauit. Inter haec dona autem, sunt variæ virtutes, quas nos vult ^{cap. 3. diuin.}
^{nom.} (etiam indignis benefaciendo) docere.

Prima est, ut hanc ipsam bonitatem, in Deo, agnoscamus III.
& credamus. Nam, ut Clemens Alexandrinus dixit: *bona facere*, Clem. Alex.
est *Dei natura*, ut *ignis calefacere, & lucis illuminare*. Sic multorum l. 1. Strom.
natura, aut malitia potius velut in naturam versa, est *mala facere*, c. 8.
omnes accusare, omnes calumniari, omnes offendere, instar echin-
ni, vbiunque eum tangas, aculeati; immo instar *decem cornua ha- Apoc. 12. 3.*
bentium diabolorum. Secunda causa est, ut sciamus, unde & nos
boni fieri possimus, atque ita in spem erigamur. Nam, ut vel Her- In Piman-
mes tradidit, Deus est *bonum bona faciens, bonum efficiens*: vel ut dro c. 4.
Plotinus docet, Deus est *bonum, cetera bona, ut amari possint, quasi eo- Plotin. En-*
torans, & hoc ipso amabilia reddens. Apelles te bonum pictorem; nead. 6. l. 7.
Praxiteles bonum sculptorem, aut statuarium; Galenus bonum c. 22.
medicum; Deus bonum hominem faciet, ut nonris, à quo magistro
discere debeas pietatem. Tertia causa est, ut homo, se, cum diuina
gratia, bonitatis illius capacem faciat. Siquidem, ut ex mente
Platonis Alcinous loquitur, *Deus bonus est, quoniam in omnia, pro*
cuiusq; facultate, sua beneficia confert, cum omnis boni causa sit. Ut er-
go minus vasculum minus balsami capit, & in maiore plus potest
comprehendi; sic diuina bonitas in eos se copiosius effundit,
qui sinum magis dilatant. Audi Saluatorem: *Remittuntur ei pec- Luc. 7. 47.*
cata multa, quoniam dilexit multum. Vbi D. Gregorius ait: *Tanio*
ergo amplius peccati rubigo consumitur, quoniam peccatoris cor magno
charitatis igne concrematur. Nam utique qui ex amore Dei magis
dolet, se Deum offendisse, venia se reddit dignorem, capaciorq; fit
maioris gratiae diuinæ infundenda. Sic oleum stetit, cum vas non 4. Reg. 4. 5.
superesset; quod tam diu fluxit, quam diu filij matri suæ oleum
infundenti vasa offerre potuerunt.

Quarta causa est, ne nos à benefaciendo excusemus, di- IV.
centes, littus frustra arari, & nequicquam in saxis seminari: esse
enim homines quosdam, sicut sicum aridam, sicut terram steri-

Fff lem,